

**Hoegste
ondersjeijing
2013**

Cv De Braniemeekers



Dees certificaat weurt oetgereik aon

**'T Bestuur vaan Jäögraod vaan
"C.V. De Braniemeekerkes"**

Gerda Laurensse	Veurzitter
Jo Boumans	Krètser
Francine Boumans	Habsjaar
Ilse Thomissen	Lid
Miriam Walthie	Lid

Hoegste ondersjeijing 2013

De kemissie hoegste ondersjeijing, bestaond oet de winnaar vaan 2012, aaijd prins 2012, 'nne braniemeeker en 'n lid vaan de jaogkemissie, staok in de duuster daog vaan december de köp beijein um de ierste aanzat te maake.

De hoegste ondersjeijing weurt jaorliks towgekint aon 'nne persoen, groep, vereeniging of stiechting die zich zoonder de tesse te vulle of met de boors veuroet te loupe op vrijwillege basis inzet veur de gemeinsjap Lummel en/of Nazareth.

D'n eine nao d'n aandere naam kaom op taofel, zoe ontstoont 'n lies met persoene die 't eigelijk allemaol wel verdeende um 'ns in 't zönneke gezat te weure.

Ein veur ein woorte zie besproke en nao de etteligke eurkes wawwele bleve nog vief naame euver.

Zoe stoont iemes op de lies wat al sinds jaor en daag met de collectebus langs de deur geit bedele veur gooj doele, en daoneve in de gooj aw jaore vrijwilliger is gewees vaan de JOW. Iemes dee al mie es 40 jaor in allerlei functies z'n spoore verdeend heet beij voetbalvereniging RKVCL.

De volgende is belangeloos chauffeur en aaijd bestuurslid vaan de vrouweboond en is ouch vrijwilliger vaan 't zjus geneumde JOW gewees.

Daan nog iemes die op de deute vaan 'n spaarvereniging let en daobeij vrijwilleger is beij versjeije vereeniginge in Lummel en Nazareth.

En es leste 'nne persoen dee ouch al mie es 40 jaor beij VCL es vrijwilleger rondleup.

Oondaanks tot 't al laat in d'n aovend waar had de koffie us good wakker gehawwe en zaoge veer 't leech, die vief euvergebleve naame hóbbe ouch ein dingk gemein: In 't vijfde seizoen struipe zie, met 'n ganse bende gamins, Mestreech aof.

De kemissie die zich bezig hêlt met die sjoen tradisie vaan get appaarts veur apaarte luij heet daan ouch beslote in 't jaor 2011 plus 2 de jaograod vaan CV de Braniemeekerkes veur te drage en op te numme in dees bezunder ondersjijing.